

# العظيم

أحمد عامر

بسم الله العظيم. هو بجد اسم عظيم. يعني ايه كلمة عظمة؟ حاجة لما عظمت يعني كبرت وارتفعت وعلت. فاهمين الفكرة؟ ده معنى كلمة عظيم. كلنا بنحسها. لما نيجي نربط الاسم ده برنا سبحانه وتعالى - [00:00:00](#)

فالاسم ده في ذاته هو لازم يرتبط ببقية الصفات. يعني ايه؟ يعني عايز تعرف قد ايه ربنا عظيم تدبر عظمة علم ربنا. عايز تعرف ليه ربنا عظيم تدبر عظمة حلم ربنا؟ وهكذا. تيجي انت عمال تفكر في علم ربنا لربنا يعلم ما كان وما سيكون. واللي كان دلوقتي واللي جوة الصدور - [00:00:20](#)

واللي بيحصل في كل حنة وما تسقط من ورقة ايه يعلمها. فانت عمال تقول ايه العلم؟ ايه العظمة دي يا رب؟ العظمة في العلم. العظمة في الرحمة. ربنا بيرحم الكافر. ربنا بيرحم الملحد. ربنا بيرحم بيرحم اللي ما بيطلبش منه. ايه يا رب عظمة رحمتك دي. لما تعرف ستر ربنا. ربنا بيستر العاصي مرة واثنين - [00:00:40](#)

عشرة وبيستروا قبل الذنب وهو بيعمل الذنب وبعد الذنب ايه يا رب عظمة سترك دي. من هنا تيجي ييجي في قلبك احساس العزمة وتعظيم ربنا سبحانه وتعالى انك تدرك عظمتة في كل افعاله في كل صفاته سبحانه وتعالى. وتدرك عظمتة في ذاته. احنا لحد دلوقتي ما اعرفش ربنا ذاته عاملة ازاي - [00:01:00](#)

وعمرنا ما هندرك وده في حد ذاته عزمة رهيبة. يا رب انت عظيم في ذاتك. وما حدش هيدرك ده الا لما نروح له سبحانه وتعالى. فالواحد بيتأسر اوي بالاسم ده لانه - [00:01:20](#)

اسم جليل اسم يخليك تخضع لربنا. وتقول له سبحانه. ولما تتعامل مع ربنا سبحانه وتعالى قال عظيم ان ما فيش اعظم منه محتاج تركيز في حاجات مهمة اوي اوي اوي. زي ربنا يقول ايه؟ ومن يعظم شعائر الله فانها من تقوى القلوب. ما ينفعش تتعامل مع العظيم - [00:01:30](#)

تستيهن بالشعائر. ما ينفعش تستيهن بالصلاة. ما ينفعش تستيهن بالزكاة. ما ينفعش تستيهن بالاماكن المقدسة اللي زي الكعبة ما ينفعش تستيهن بكلام ربنا. انا عارف ان احنا مش كده. بس بنعزمها قد ايه بقى؟ هي دي المشكلة. لما نسمع الله اكبر الصلاة الصلاة وما ملكت ايمانكم - [00:01:50](#)

المصحف اللي محطوط كده وعليه تراب. هل احنا بنعزم الشعائر؟ هل البنات بتعظم الحجاب؟ وعارفة ان ده امر؟ ولا احنا بنستيهن بالشرع؟ آآ معرفتك تتطلب منك ان انت تعزمه وتعظم الشعائر. وعلى الناحية الثانية ومن يعظم حرمان الله. هتعظم الحرمان. يعني المعاصي ويعني الزنوب. يعني - [00:02:10](#)

الاكل الحرام ده بالنسبة لك كارسة. الفلوس الحرام بالنسبة لك انسى. الصحوبية. انت معزم الحرمان دي. انت بتغير لما حرمان الله بتنتهك. انت انت بتغضب لله العظيم لانه دي حاجات عظيمة هو حرماها وهو شرعها - [00:02:30](#)

فده احساسك وانت بتتعامل مع ربنا وانت بتواجه الحياة دي. يا جماعة ده ربنا العظيم بناء على علمه ورحمته وقوته وقدرته وستره وده امره وده شرعه. فالشعائر والحرمان لازم تعظمها لو انت فعلا بتعظم ربنا. امتى ييجي في قلبك اسم الله العظيم؟ سهل قوي. لما النبي عليه الصلاة والسلام قال ايه؟ فاما - [00:02:45](#)

الركوع فعظموا فيه الرب. كل يوم بتركع الحمد لله على الاقل سبعتاشر ركعة. سبعتاشر مرة. بتركع وتكسر جسمك وتقول له يا رب انت العظيم. وانا باقر بده. وانا وانا شاهد يا رب على ده. وجسمي النبي عليه الصلاة والسلام كان بيقول ايه في الركوع؟ خشع لك

00:03:04 - سمعي

وبصري ومخي وعظمي وعصبي وما استقلت عليه قدمي. انا يا رب عارف انت عظيم قد ايه. بص انا واقف عامل ازاي وبقولها لك  
فسهل قوي ان انت تستحضر الاسم ده الحمد لله ان ربنا يسر لنا كل يوم نقدر نقول له قد ايه انت عظيم ونحس قد ايه بعظمته. سلام

00:03:24 - عليكم

00:03:44 -